

第一二七冊

方輿彙編

職方典

和州部

滁州部

廣德州部

江西總部

南昌府部

(卷)

八四〇

八四一—八四三

八四四—八四六

八四七—八四九

八五〇—八五二

古今圖書集成

中華書局影印

欽定古今圖書集成方輿彙編職方典

第八百四十卷目錄

和州部彙考二

和州風俗考

和州祠廟考 寺觀附

和州驛遞考

和州兵制考

和州物產考

和州古蹟考 墳墓附

和州部藝文一

天門山銘

湯泉賦

夜渡兩關記

和州部藝文二 詩

望天門山

烏江道中

宿華陽洞寄元稹

送羅少府歸牛渚

開聖寺

題橫江館

濡須陂

雞籠山

當利港

桃花陂

鎮淮樓

雨中過雞籠山

天門山

和州部紀事
和州部雜錄

職方典第八百四十卷

和州部彙考二

和州風俗考

本州

州志

史記楚越之地飯稻羹魚不待買而足地勢饒食無饑饉之患以故昔蘧倫生無聚積而多貧隋書地理志歷陽人性躁勁風氣果決自平陳之後俗頗尚淳質好儉約劉禹錫廳壁記女工尚堅全男工尚墾闢市無侈眩工無雕彩無遊人異物以遷其志舊志明初為畿內首善之地大化所被四民各安其業而儒雅之風尤甚非復曩時比黃志云文德武功後先相望忠材節義世亦有人士夫敦禮教畏清議庸庶安居樂業不侈宮室鞍馬不惑風木婚嫁不論財婚禮男家遣媒妁通言然後納禮名曰定禮及期納禮名曰娶禮親迎之日以兄弟送女歸間或以伯叔代之猶有六禮遺意

喪禮 殯斂多用布服不尚金銀器飾棺槨杉木不用柳梓則墳塋不壘取墳塋者多取礧灰築者歲久灰朽墜如石崇佛修齋備書之家多不用今亦往往有之

祭禮 多祭於堂嚴無家廟四時以一至及中元除夕生忌日晨之祭或因事以祭不可類舉清明及十月墓祭連社居士食物必薦新或稀異珍貴者初得一廬之類及以盛品相饋者亦薦

閨風 婦女非至親不輕見亦不畫出必以轎徒行必在昏暮以弟姪婢擁送男女相遇必異道女子戒習字文

正月 立春前一日迎春東郊各門採傳奇已事官人肖像齊集關聖廟前名曰演春遠近童叟競觀為樂散春花春枝田家擊長秧鼓各官宴畢導人縣治前詰朝鞭春如制元旦男婦夙興盛服祀家神畢視歲吉所向提火拜廟親友更相賀歲十三四夜為試燈十五夜為正燈家製元宵相餉十六夜婦女出遊曰走百病然亦尋常有之紳士家及稍有體者皆崇二月 三日為文昌帝君誕辰城中紳士敘費以祝或祝於學或祝於官八日喫凍食三月 三日簪薺菜花清明插柳葉於門寢寢徑簪柳葉前後數日展墓家之子姓俱至族祭者合族人先祭於墓後祭於祠祭畢飲福酒散兒童多放紙為二十三日天妃誕辰二十八日東嶽誕辰城市及鄉廟咸修禋以壽

四月 朔日簪皂角葉八日供浮屠烏飯十六日晚以月占年

五月 午日姻親餽禮是日啖角黍供蒲艾貼道符飲雄黃酒小兒繫絲絳香絡於背塗雄黃於額耳以避時氣運漕水鄉亦往往有闕龍舟者十三日城鄉俱祝開聖誕辰演劇誦經各聽所便月內多斂貲爲醮

六月 六日曬衣入伏日多製六一散香薷飲以却暑

七月 七夕婦女穿針乞巧中元以冥資羹酒祀祖先有喪之家親友各相餽送甥壻輩必親到孟蘭會亦間行之

八月 中秋羅餽賞月用月餅菱角毛豆親友餽遺如天中節

九月 重九炊糕餅薦先有逸興者登高是日造酒

十一月 冬至祀祖先前後數日展墓如清明節

十二月 二十三日以飴餅生茗祀竈神更具細草數莖豆少許曰爲竈神芻馬不及舉者俟之次日除日貼門神春聯封門紙夕則具牲醴庶羞祀祖先用白魚接窺家人置酒守歲簫鼓爆竹聲達旦先數日餽節

和州祠廟考 寺觀附 州志

社稷壇 在印山門外半里許

山川壇 在梁山門外半里許

郡厲壇 在香泉門外半里許

賢母祠 在周侯廟左祀周侯虎母何氏也

三賢祠 祀唐太學生何蕃國子司業張籍宋

狀元張孝祥其祠舊在儒學東廡之側久廢知

州康誥請祀于古和書院未幾復改建于學門

之南卽今菩提橋巷左也

三老堂 在州治後祀宋知州傅堯俞范純仁

劉摯也按舊志元祐間孫真建規制久廢明正

德丙子知州黃公標重建

土地祠 在州治儀門外歲以除夕致祭

烈女祠 在城南門舊在城西明嘉靖二年同

知薛祖學改建祀宋烈女徐氏元孝婦劉氏明

節婦張氏董氏尹氏張氏包氏清氏耿氏汪氏

陳氏王氏楊氏張氏崔氏周氏王氏湯氏劉氏

春秋致祭

香烈祠 在州治之西北明崇禎乙亥流寇陷

城知州黎弘基及同知陳得姚學正康正諫敦

諭趙世選慷慨殉難紳士庶民婦女死者十餘

萬或憤勇罵賊或焚溺自盡捐軀雖異其節則

無異也賊退巡按梁雲構親臨和城仰刺史之

忠痛郡人之禍設壇而哭者三日復爲祠以祀

之額之曰香烈取其節烈足以馨香千古也春

浣紗女祠 在馬神廟之右卽古漁丘渡也今

居人名爲土地廟而移其像于土地神之側

焦澹園祠 在州治西北隅今香烈祠旁內有

立雪堂

陸秀夫祠 在豐山地方

鄭良楸祠 在張家山學者過守耕羅應選等

共建迎江浦鄭良楸講學于此因祠祀焉

城隍廟 在州治東南創始未詳明洪武元年

封承天鑒國司民靈護王

周侯廟 卽忠烈廟在姬家巷東舊在橫江門

內宋開禧三年秋和州軍民感郡侯周虎全城

之功爲立生祠淳祐七年賜廟額忠烈

關帝廟 在元妙觀東祀漢壽亭侯關公舊雖

朔日行香而祀典不與

皇清順治十七年知州楊繼芳乃定制春秋二仲月

繼丁後一日致祭

霸王廟 在城東北四十里烏江祀項羽輿地

要覽云宋紹興辛巳金主亮渝盟來乞箋神不

從欲焚廟俄大蛇出屋梁又聞林木中鼓噪若

數千兵至亮大驚散去元至壬午縣令不蘭

奚重請於朝爲本州祀典春秋致祭

馬神廟 在百福寺後明嘉靖元年知州楊天

茂改淫祠爲之祀司馬之神歲用有司致祭

姥廟 在州西三十里麻湖之陽祀歷陽之神

母也

灌將軍廟 在印山門內城下漢時灌嬰修和

九娘子廟 舊在州治內祀歷陽侯范增女也

宋慶曆初東寇王倫圍歷陽于堞南角恍若有見已而潰散遂就勦滅追封威顯夫人紹興元年詔歷陽威顯夫人增昭廟金字今廢

余闕廟 舊在城西隅今失其處

秦姬廟 在州西三十里麻湖之陰昔秦始皇為東南遊浮于湖徵民婦女牽舟舟大不可動誅者甚衆有姬泣諫不聽投湖中死始皇憐姬之死罷其役民感其德立廟祀之

插花廟 在州東北七十里陰陵山之陽廟祀魯妃即項王之虞姬也禧輒有應方春男女奔走于廟或報或祈皆插花以識之故土人以名其廟

高廟 在州南四十里舊傳為公輸子手造其廟高聳規制亦異昔紅巾賊欲焚之大蛇出賊懼止今重修

龍王宮 在州南六十里梁山鎮

東嶽廟 在州治東南隅順治丙申年郡人馬如融建

關王廟 在大南門外山川壇之東郡人大理寺左許事葉積學建

含山縣 社稷壇 在縣西郊

風雲雷雨山川壇 在縣南郊

邑厲壇 在縣北郊

功臣祠 在縣東街祀明華高仇成李彬楊文紀清

烈女祠 在縣南街祀張子文妻尹氏唐恕妻

楊氏胡崇仁妻周氏吳自高妻申氏王慰妻胡氏張塔妻王氏王自謙妻慶氏

游定夫祠 在縣登科橋祀廣平游先生醉也初知縣胡漢建祠于學宮北明嘉靖元年鄭慶遷于縣東二里和舍舊大路之側後改路河濱

知縣陳一善復遷于登科橋

馬神祠 在縣治儀門東外

土地祠 在縣幕廳東

三烈祠 在運漕鎮西岡康熙二十三年建祀烈婦余氏夫死以餓殉夫者也鮑端姑許烈婦附故名余氏夫婦墓即在祠後

城隍廟 在崇儒坊

旌忠廟 為宋統制姚興立舊立廟戰所賜額旌忠土人福福有壽輒應今立廟在縣東九都

五顯廟 一在南街一在銅城關鎮

關帝廟 舊在寶臺觀後明萬曆丁未年移置東門外登科橋鎮合邑水口

都司廟 一在南二都石門山外一在祁首岡南一在關門鎮

二郎廟 一在南二都二郎街一在魯橋西南晏公廟 在縣東門外一里岡上有靈于江湖

明封平浪侯

東嶽廟 一在縣南門外一在龍角橋一在運漕鎮一在十一都

龍王廟 一在蒼山一在銅城關一在縣河南廢久今重建

大聖廟 在東九都遠近祈子者禱之多應

三官廟 一在學宮西一在銅城關鎮

袁三廟 在大朴樹鎮

八角廟 在五都

崔府君廟 在銅城關按神乃唐朝崔珏寺觀附

本州

百福寺 在州城中唐貞觀二年建初有五寺因名以五華寺一曰文殊二曰泗州三曰淨土

四曰彌勒五曰百福元末俱燬于兵吳元年僧法珪重建為百福寺明嘉靖甲午改遷以學為寺後萬曆二十九年復遷寺于故址即今處原有僧正司在殿東乙亥燬于寇

延慶寺 去城西九里在長壽鄉十一都宋熙寧三年建用以守彭中丞墳祠元末廢明末樂間僧智敏復修

乾明寺 在州東南二里乘驢橋東其西即宋學舊址也東有廣惠宮碑湮漫不可讀

觀音寺 在城外三十里姥下鎮旁燬於元明末樂六年僧善稠重修

梵行寺 在州南五十里唐貞觀五年鐵腳僧恩建有古塔

清福寺 在州南二十里後晉開運四年建

極樂寺 在州南四十里唐元和年建

開化寺 在州南六十里宋元祐三年建

香延寺 在州南七十里白望市之東唐貞觀三年建

黃山寺 在州南七十里

妙嚴寺 在州南九十里裕溪之北唐元和年

建

普明寺 在州東南六十里天門山後元至正

二年建

石佛寺 在州南十五里

泉水寺 在州東北七十里寺有泉甚奇唐貞

觀五年建

莊嚴寺 在州西二十五里舊名臨佛寺宋太

平興國中徙苦竹村故又名苦竹寺久傾圮僧

慧鎬重修有海棠洞罩春亭

知果寺 在州西四十里

甘露寺 在州東北二十里元至正三年建

華嚴寺 在州東北三十里宋咸淳二年建左

右山麓蜿蜒

廣勝寺 在州東北四十里烏江鎮旁唐貞觀

三年志靜僧建

緒樂寺 在州北五十里以土少赤故名宋嘉

定十年建

香社寺 在州北四十里以寺旁香泉故名宋

建隆三年建有塔有昭明書院寺後有二松極

奇後忽枯惜哉

大乘寺 在州北三十里

六墳寺 在州北六十里如方山下相傳有僧

六世修道此山有六墳在焉故名明洪武三年

重修二十四年歸併
孔夫寺 在州北六十里許孔夫山下明洪武

十五年重修二十四年歸併成化間改建

馬鞍普明寺 在州北五十里馬鞍山中元至

正五年建明洪武六年重修二十四年歸併寺

原有松最大

石漸寺 在西北六十里

三塔庵 在州西五里以圖阜三尖如塔故名

臨宮庵 在州西北四十里山上有泉盤曲下

流可灌二三里

智果庵 即其寺之分派居也州西三十里

孔雀庵 在州北五十里其山曾出一禽鄉人

先擬鳳凰名鳳凰庵又擬孔雀更擬山形似孔

雀故名

生生庵 在鉞魚嘴會中士民建以居僧專主

拯溺等事

觀勝庵 在州北四十里

海會庵 在烏江香泉之間法師妙有始建

虎堂庵 在州西三十里麻湖旁明洪武二年

建

陸家庵 為宋大學士文忠公秀夫立後改僧

舍以奉香火

廣生庵 在梁山鎮每值風雨晦冥恐有行

舟覆溺令主僧召集水手飛舸往救

淨樂庵 在州西桃花塢萬曆丙辰年建

典隆庵 在州西四十里嵐龍山之麓

白雲庵 在香泉西舊為支龍庵久廢鐵山禪

師重建
深隱庵 在州西四十里古刹久廢明崇禎丙

子諸生張燮父張應舉重建

宿雲庵 在嵐龍山頂明崇禎年僧慈水始建

圓通庵 在脈天山前僧九會建

石淨庵 在州西五里古為水府廟後改今名

法華庵 在州北四十里明天啓元年僧宗和

沒并得銅佛藍像係宋徽宗四年造因募資重

建

仁和庵 在福臨廟左明萬曆四十六年建

竹林庵 在州西南四十五里郡人葉敬中建

元妙觀 在州治西南關廟之右宋熙寧六年

中素道人建舊名天慶觀元至元中改今名

元真宮 在州治南譙樓正北奉祀真武建於

宋

皇清康熙十四年於拱辰門東南隅卜地一區改建

焉規模弘敞兩殿俱崇遂為後之勝蹟

淳熙觀 在州南四十里葛仙翁嘗煉丹于此

有八卦池迨宋太祖駕幸此誕生太子又名為

壽寧宮

紫極觀 在州南五十里舊在桃花塢旁元兵

火廢道人李濬川遷於高廟西南塔山下

龍典觀 在州北五十里如方山麓

棲雲觀 在州西南三十里即聚林觀

含山縣

安國寺 舊在城外西南隅唐貞觀僧澄禪師

建元末廢于兵明洪武十五年僧會典進重建

遷南門內僧會司在焉嘉靖間知縣葉繼善遷

褒山寺 山以唐貞觀惠發禪師得名宋元豐

後黃魯直王介甫王深甫皆有文字塔上寶塔

二字猶傳張安國書年號特誤明初寺建自宋

樂中鄭和使西域還也殿堂制度甚工絕無蛛

絲風竈云有辟塵珠所致然不知所在藏經櫺

小而古舊不敢飲云有異香所塗先住持世守

更有玉杵鐵杖金碧鋪悅玻璃盤旂檀座等物

或侵或毀無復遺者

雲閣寺 在縣北三十里唐貞觀三年鐵船祖

師建

正覺寺 在運漕鎮唐貞觀二年金禪師建

普明寺 宋元豐二年僧無用建

淨戒寺 在縣南七十里唐貞觀二年僧密禪

師建有彭祖煉丹井并仙室在焉

大善寺 在縣南唐貞觀三年鐵船祖師建

佛慧寺 在縣西三十五里元至正二年僧德

遜建

興教寺 在東關之嶺唐貞觀二年鐵船祖師

建有關公飲馬池卓刀泉

永興寺 在十四都有陳村湯泉

齊林寺 在十五都

城山寺 在昭關

三塔寺 在十四都

圓通寺 在南二都

華陽寺 在十四都洞在寺前後

佛會寺 在十五都

圓照寺 在北二都

明山寺 在六都明山

觀音庵 在縣南二十里元至正五年僧慈德

建

雲霧庵 在八分山古柏新篁極其幽勝時有

白雲往來禪室故名

蒼山庵

清涼庵 接引庵 二庵俱與雲霧蒼山相

鄰其庵雲影翳松林鬱鬱地甚幽僻爲太湖

山一帶勝景

白衣庵 在安國寺後市民徐世靖倡建

觀音閣 在銅城關右街明萬曆三十年鎮民

程應明等倡建

法輪庵 邑令周創

寶峯庵 在十五都

金斗庵 在十五都

梅山庵 在北二都梅山

土山庵 在太湖山下明萬曆年僧玉庵募建

華嚴庵 在東七都僧悟心募建

水浮庵 在運漕東河下

準提庵 一在學宮東一在運漕正覺寺後一

在運漕鎮東一在大聖寺後

龍華庵 在八角廟後

寶臺觀 在東街朱張知觀建

長真觀 在白石山即彭祖仙屋一名白石觀

麟川觀 在縣南六十里久廢相傳其地出麟

故名

天妃宮 在縣治東隅康熙四年重建

三元宮 在運漕鎮

和州驛遞考

通志

本州

設馬七匹草料銀二百一兩六錢馬夫四名工

食銀四十三兩二錢差夫十名工食銀一百八

兩買馬鞍轡等銀七十三兩五錢扣存帶閭銀

一十一兩七錢六分歲支銀共四百三十八兩

六分

舍山縣

設馬七匹草料銀二百一兩六錢馬夫四名工

食銀四十三兩二錢差夫十名工食銀一百八

兩買馬鞍轡等銀七十三兩五錢扣存帶閭銀

一十一兩七錢六分歲支銀共四百三十八兩

和州兵制考 通志

本州

梁山營 州有八鎮梁山其一也負山面江民居不下二千餘家舊設江防州同分駐地形險要扼金陵上游康熙二年造營壘分遊兵營遊擊千把總官率兵汛守其地即以操江舊署拓而新之為將領駐居建造營房安插兵衆

東門新設營房 梁鎮既造營房設兵防守督院兼諭分兵州城各派城守以千總一員督率擇東門小教場并造公署營房安插官兵康熙十年間奉文更調守備一員添兵汛防將千總撤回知州夏璋復為建署造房坐落東門城東隅轅門柵欄儀門三間大堂三間內宅二層

演武場 在州城東南二里方六百步中有廳周圍有垣有木前有坊表匾曰養威蓄銳萬曆年重修至

皇清康熙十二年州守夏璋捐資修復

牛屯河巡檢司 江面五十里上至張家溝下至新河口烟墩五座舊每座墩夫三名巡掠弓兵四十五名明隆慶六年議增八名巡船一隻哨船二隻萬曆二年置烏銃四管至

皇清議裁牛屯巡司弓兵止留十二名

裕溪河鎮巡檢司 江面三十里上至新溝口下至張家灣烟墩一座墩夫三名巡掠弓兵原額并議增共三十六名巡船一隻哨船一隻萬曆二年置烏銃四管至

皇清議裁裕溪弓兵止存九名

浮沙口巡檢司 江面四十里上至新河口下至馬河烟墩五座舊每座墩夫三名巡掠弓兵四十五名明隆慶六年議增八名巡船一隻哨船一隻萬曆二年置烏銃四管至

皇清裁浮沙巡檢併牛屯兼管其弓兵止存九名

梁山防駐官兵康熙二年總督部院郎查照和州西梁山乃沿江北岸險要之地雖有遊兵營派防而寥寥數人無官駐守應將省會之遊兵營遊擊并帶千把總官移駐梁山防守沿江一帶地方而本營原議有馬兵則和州一州陸路并所屬含山縣地方自應責令管轄等因具題奉

旨依議續經總督郎廬州道孫檄州該知州楊繼芳詳請于康熙二年撥兵派守六門城內建造營署兵房令千總督率到州安插又撥千總帶兵駐防舍山至康熙十年間奉文將千總撤回梁山更調守備一員赴州汛防其遊擊帶領官兵駐劄西梁山以司地方以衛城池弭盜安民事關至鉅遇銀報則謹巡護送遇警急則偵探防守

含山縣

僻處山隅舊無兵守近經總督部院議分梁山鎮百總四員一督兵派守四門一駐運漕鎮一駐銅城關一駐再安鎮各處起蓋營房安插康熙二十二年改設把總一員鎮守縣城三鎮官兵悉如舊

有垣前有坊表萬曆年重建

和州物產考

通志

雜屬

麻泉 州通產有白麻黃麻苧麻諸種

半夏 州通產一名守田生於夏牛前後

牡丹 含山產其種有水紅千葉重臺開列如錦

天鵝 州產洲渚間大者至十餘斤

鹿 州通產

麋 州通產陶弘景云海陵間最多千百為羣多牝少牡

狐 州通產

煤炭 州通產

本州

三老堂 堂爲宋元祐中孫賁所建以祀宋太守傅獻簡克俞范忠宣純仁劉忠肅曄也三老皆左遷相繼出守和陽德政在人至今能頌之堂西有古梅舊有楹曰梅堂堂前即古水心亭文昌詩所謂看花多上水心亭是也

陋室 在州治後遺址尚存劉禹錫有銘

舫齋 在州廳後今廢

鎮淮樓 在郡治前東阜高臺層構於製最古登之四望足納江山之勝明太祖初駐蹕和陽嘗與諸將飲酒賦詩其上郡中古蹟惟此第一

州西街井 在科甲真才坊下相傳有一童子常遊於市人莫知誰一日見從井中出入人異之他日復來乃問之對曰我本華陽洞中人此井乃洞後門也自此不復見因立表曰華陽門也

清風樓 在州治西南城隈峨嵋墩下宋元祐中改爲連雲觀明正德中改建峨嵋書院嘉靖中復建清風樓以存古蹟今廢

犀照亭 在州東南十里當利口北岸晉溫嶠開水底有音樂燃犀照之因此名

石跋河 古爲石跋城旁有塔傳聞張果老會騎驢過此有跡可驗

落驢橋 在小西門外土街頭世傳張果老騎驢至此故名

沸井 在小西門外土街頭廟內舊志古圖

經曰晉元帝渡江命郭景純筮之曰西南郡縣以陽名者井當沸其中興之應未幾歷陽井沸者三故曰沸井至唐劉賓客爲郡時作詩曰沸井今無湧似亦埋沒久矣

老子丹臺 在大西門外五顯廟後岡隴漫延相傳晉王導築以防石虎者也

桃花塢 去城西五里即唐張籍讀書處在桃花橋東遺址無存碑碣莫考然長老猶能言之

漁丘渡 伍子胥奔吳渡處

八卦池 去城二十五里界河鋪西北壽寧宮內乃葛仙翁煉丹處遺蹟尚存

洗耳池 去州三十五里有池傳云巢父曾洗耳于此

無糧墩 在烏江南半里昔項王乏糧以蒭蓋土堆作爲糧米即虞詡增竈意也其堆見存

雍家城 即今裕溪河泊所地舊志漢封雍齒此地後廢明初置驛于此後廢

碗兒嶺 在州西北九十里古傳云乃褒山後羅漢洞口有羅漢出坐鰲魚嶺上飲食後置碗石上井坐臥皆有石蹟故名

項亭 距廢烏江縣治東南三里許乃羽藏衣冠之所林木森然廟貌偉然昔有唐李少監陽冰所篆碑額曰西楚霸王靈祠六大字筆法迥異又有羽像碣圓袍短帽戴髻重瞳明崇禎乙亥流賊陷和州掠至烏江忽風霾晝晦四野如

列障城垣有聲賊不敢進其英爽類若此明初廢邑爲鎮而廟制雖存宋歷陽杜默下第

夜歸就廟宿以其文質于神前痛哭大呼曰千古如霸王而不能得天下有才如杜默而見放于有司豈非命哉神像淚出泥界于面

亞父城 按明一統志在州境劉禹錫記城高而堅亞父范增所營也

古羅城 按明一統志在州境俗傳漢灌嬰所築

烏江廢縣 按明一統志在州北本秦烏江亭漢爲東城縣地晉始置烏江縣梁千縣置江都郡北齊改齊江郡陳改臨江郡後周又改烏江郡隋復爲縣宋紹興中廢爲鎮尋復置明省入和州

歷陽廢縣 按明一統志在州城內本秦縣項羽封范增爲歷陽侯即此新莽改曰明義東漢以來仍爲歷陽縣明併入和州

袁天綱宅 按明一統志在州城南三十里地名南義

張籍宅 按明一統志在州城通淮門內舊光孝寺又州西桃花塢有籍讀書處

鎮西樓 按明一統志在州治前明洪武初參軍郭景祥建正統二年重修

三覺堂 按明一統志在梁山廣教院三覺謂賈易龔原及圓智師冲會賈與龔以危言正論謫居和州嘗造會所蕭然晏坐終日

含山縣 晉王城 在縣界符堅侵晉以姚萇爲先鋒晉築城于此以禦之

偃月城 一名濡須塢在東關南岸屬無爲界吳魏相持孫權欲作塢諸將皆曰上岸擊賊洗足入船何塢爲呂蒙曰兵有利鈍戰無百勝如有遲遲不暇及水其得入船乎權曰善遂夾水立塢如偃月故名

龍亢縣城 在縣南四十里東晉僑置此縣周大象初併入歷陽唐分置含山縣此地屬焉

彭祖石室 列仙傳歷陽有彭祖仙室相傳彭祖自此白日飛昇履蹟猶存下有洞淺深莫測

飛錫泉 在縣南六十里有太湖寺昔無用禪師當山腋鑿一孔出水日取千瓢不竭一瓢不溢至今僧受其庇禪師真身坐塔上

馬跑泉 去縣十五里卽昭關泉

斗米運 在縣西八十里杜伏威將李子建穿渠入歷湖通運率部下帶斗米就役未盡成功故名

陳搏丹城 在蒼山西尖凹處原名無風城相傳希夷煉丹處

梅嶺 在縣東南北二都曹操行師至此軍士多渴因指山上梅林其渴遂止

東興堤 在東關口吳大帝築以遏巢湖後攻魏淮南段以納船遂廢不治諸葛恪更作大堤左右練山夾築兩城各留兵千餘守之魏作浮橋以渡陣於堤上分兵攻擊城高峻不可拔

黃墩 在縣南七十里明太祖收巢湖俞廖桑華諸將變子海牙集樓船塞馬勝河口太祖屯

黃墩卽此墳墓附

本州

梁王僧辯墓 在州南六十里梁山之西廣教院今廢

宋彭中丞思末墓 在州城西南延慶寺之西封樹如初思末爲宋名臣

張狀元孝祥墓 在州東北一百里黃岩嶺特建寺有碑尚存其地今割屬江浦矣

元韓總管墓 在小西門外大岡之上韓擒虎爲元時總管與明太祖相抗不降嘉其忠義卒以禮葬

明班尚書用吉墓 在州小西門外社稷壇之東北有碑

襄城伯李潛墓 在州小西門外土街有石坊碑文可考

寧陽侯陳亨墓 在州鳳凰山孔雀庵後

皖國公仇成墓 在五都

馬侍郎諒墓 在州城西北三里許坊表翁仲見存

御史高德新墓 在州北門外北郭亭有碑碣

盧皇親德常墓 在小西門外社稷壇之西北有碑文

都運王璽墓 在州北郭亭之東北半里父主事王鑑亦葬于此

中順大夫朱錦墓 在小西門外胡侍郎廟旁有石坊碑文墓表神道碑

知府萬慶墓 在小西門外襄城伯墓旁石坊現存

贈中翰成其德墓 在大西門外桃花橋建有坊表

御史馬成大墓 在北門殷塘北

御史葉觀墓 在城西扁擔河右

含山縣

漢桓榮墓 舊志在含山東一里明一統志在縣二十里既相抵牾及按桓榮傳卒葬首山之陽此必江左諸桓之墓後人以姓同附會之也

宋游定夫墓 在北十三都俗呼其山爲察院嶺有龜山楊時墓誌明正統三年知州朱沅修其墓御史彭勛復封之爲立石以表焉

明危學士墓 在縣之新東門外明洪武五年卒于和州太史宋景濂立有碑銘可考

豐城侯李彬墓 在縣南一都

廣德侯華高墓 在縣東七都宋太史景濂有神道碑

駙馬都尉王富墓 在縣西城外

都督紀清墓 在縣東七都

都督楊文墓 在縣東七都

中議大夫張佑墓 在東城外

和州部藝文一

天門山銘

唐李白

梁山博望關局楚濱夾據洪流實爲吳津兩山錯落如鯨張鱗惟海有若惟川有神牛渚怪物目圍車輪光射島嶼氣凌星辰卷沙揚濤溺馬殺人國泰呈瑞時訛返珍開則九江納錫閉則五嶽飛塵天險之地無德匪親

湯泉賦

宋秦少游

大江之濱東城之野有泉出焉直回峰負深谷分峙引源遙邇相屬晨夜有聲涵雲注玉薄爲虎類伏爲魚目鱗介莫潛遁者斯浴此何水也哉野老告余曰泓泓涓涓莫虞歲年不火而煥其名湯泉嗚呼豈非焚惑蒞于上耶燭龍影於中耶旁通咸池日御之所經耶幽精沉魄陰債其負耶丹砂硫黃金石之氣酷悍之所激耶德有常仁惠公而淡寒凝海分不冰旱焦山兮不竭其或燥濕外干精氣散越膚革瘡瘍憊筋淫血欣節汨之覽游悅幽憂之未脫以沐則髮澤以類則膚悅其羨流冗浸捐棄於溝壑者猶能灌蔬稻之畦已牛馬之賜此又何其廣耶吾聞天下之水厥類實繁至於弱水儲陰投羽必沉火井萃陽爛石灼金祥標醴泉病飲而瘳異紀滋穴神灋以流焦溪多冒蔓之飾沸潭謝聲取之游其餘墨墨所發膠醢是滋暖懷千金飲狂一國哀玉乳以中涵橫金絲而徑度詭品謬名紛莫爲數咸受命於元精亦各私其所遇若夫匡廬汝水之旁尉氏驪山之下煙非掩壽王孫鳥卑之所娛全穴椒房專寵靡曼之所占則湯泉之中又有顯晦者焉野老听然而笑曰善乎齊給

之士曳杖而去行歌于途曰渾沸滂沱審此泉兮被彼山阿吾惟濯沐兮不知其他

夜渡兩關記

明程敏政

予謁告南歸以成化戊戌冬十月十六日過大鎗嶺抵大柳樹驛時日過午矣不欲但已問驛吏更詒言雖晚尚可及滁州也馬上行三十里稍稍聞從者言前有清流關頗險惡多虎心識之抵關已昏黑退無所止即遣人驅山下郵卒挾銅釘束燎以行山口兩峰夾峙高數百尋仰視不極石棧巉嶮悉下馬累肩而上仍相約有警即前後呼譟爲應適有大星光煜煜自東西流寒風暴起東燄漸滅四山草木蕭颯有聲由是人人自危相呼譟不已銅釘開發山谷響動行六七里及山頂忽見月出如爛銀盤照耀無際始舉手相慶然下山猶心悸不能定者久之余默記此關乃趙檢點破南唐擒其二將處茲遊難險而奇當爲平生絕冠夜二鼓抵滁陽十七日午過全椒趨和州自幸脫險即夷無復慮行四十里渡後河見面山隱隱問從者云當陟此乃至和州香林院已而日冉冉過峰後馬入山嘴嚙岫迴合桑田秩秩凡數村微若武陵仇池方以爲喜既暮入益深山益多草木塞道查不知其所窮始大駭汗過野廟遇老叟問此何山曰古昭關也去香林尚三十餘里宜急行前山有火起者乃烈原以驅虎也時銅釘束燎皆不及備傍山涉澗怪石如林馬爲之辟易衆以爲伏虎却顧反走顛仆枕藉呼聲甚微雖強之大譟不能也良久乃起循嶺以行諦視崖壑深不可測澗水潺湲與風疾徐仰見星斗滿天自分恐不可免且念伍員昔嘗

厄於此間豈惡地因應爾耶盡二鼓抵香林燈下恍然自失如更生者噫予以離親之久諸所弗計冒險夜行渡二關犯虎穴雖難危而倖免焉其亦可謂不審也已謹志之以爲後戒

和州部藝文二

望天門山

唐李白

迴出江山上雙峰自相對岸映松色寒石分浪花碎參差遠天際縹緲晴霞外落日舟去遙迴首沈青霽

又

天門中斷楚江開碧水東流至北迴兩岸青山相對出孤帆一片日邊來

烏江道中

劉長卿

滄洲不復戀漁竿白髮那堪戴鐵冠客路向隅何處是蘆花千里雪漫漫

宿華陽洞寄元珣

李端

花洞晚陰陰仙壇隔杏林漱泉春谷冷搗藥夜窻深石上開山酒松間對玉琴戴家谿北住雪後去相尋

送羅少府歸牛渚

賈島

作尉長安始三日忽思牛渚夢天台楚山遠色獨歸去滿水空流相送回霜覆舊身松子落月分螢影石房開白雲多處頻顛倒寒洲冷泠漱古苔

開聖寺

溫庭筠

路分蹊石夾煙叢十里蕭蕭古樹風出寺馬嘶秋色
裏向陵鴉亂夕陽中竹間泉落山廚靜塔下僧歸殿
影空猶有兩朝舊碑在恥將興廢問休公

題橫江館 杜牧

孫家兄弟盡龍驤馳騁功名業帝王畢竟江山誰是
主苔磯空屬釣魚郎

濡須鵲 宋賀鑄

縣西南百里按縣諸孫仲謀築偃月城以拒曹孟
德處也

孫郎昔鷹揚曹瞞方虎視敢忘版築勦遼遼兵鋒銳
俄聞青蓋謠無復金陵氣六代迭傾亡長江亦平地

雞籠山 前人

歷陽縣西四十里按縣諸昔城邑將淪沒神獨告
一姥使西走即攜雞籠登是山籠化為石其形猶

然湖之東南有姥廟

楚姥昔荷送餘生脫沈淪家食不忍置信謂婦人仁
空籠歛變化千載高嶙峋可待麻湖水復生桑下塵

當利港 前人

縣東二里下通大江按縣諸晉王濬征吳乘風趨
石頭王渾招之不顧即此地也

龍驤乘上游銳氣吞敵境風便趨吳京收功在俄頃
平生負雄圖晚歲方獲聘何必傳鼎彝江山與之永

桃花鵲 前人

縣西二里麻駱上按縣諸唐張司業之別墅也可
業與孟東野載酒屢游焉今茂林深竹九占近郭
之勝

種樹臨谿流開亭望城郭當年孟張輩載酒此行樂

斯人久埃滅節物今猶昨看取不言花春風自相約

鎮淮樓 明太祖

中原殺氣未曾收江北淮南草木秋我上鎮淮樓一
望滿天明月大江流

雨中過雞籠山 高啓

春雲曉靄欄奔渾風雨行人過一村得似山家深竹
裏乳鳩啼乳未開門

天門山 于謙

天門山時近西偏屹立芙蓉翠插天六月岡巒飛雨
雪四時林木吐雲煙鳥飛不過巖頭石人渴難尋磻
底泉安得六丁施斧斲滔滔車馬信平川

和州部紀事

州志伍子胥與公子勝奔吳抵昭關幾不得脫至江
有一漁父以舟渡之胥解劍直百金與父父曰楚國

之法得伍胥者賜粟五萬石胥執珪吾何愛百金劍
耶竟不受胥以是過江得至矣

漢書項羽傳羽敗欲渡烏江烏江亭長機船待謂羽
曰江東雖小地方千里衆數十萬亦足王也願大王

急渡今獨臣有船漢軍至亡以渡羽笑曰適天亡我
何渡爲且籍與江東子弟八千人渡而西今亡一人

還縱江東父老憐而王我我何面目見之哉縱彼不
言籍獨不愧於心乎謂亭長曰吾知公長者也吾騎

此馬五歲所當亡敵嘗一日千里吾不忍殺以賜公
適令騎皆去馬步持短兵接戰羽獨所殺漢軍數百
人羽亦被十餘創顧見漢騎司馬呂馬童曰若非吾
故人乎馬童面之指王翳曰此項王也羽適曰吾聞

漢購我頭千金邑萬戶吾爲公得適自到

宋史金安節傳安節歷禮部侍郎楊存中議省江淮
州縣安節言廬之合肥和之濡須皆昔人控扼孔道

魏明帝云先帝東置合肥南守襄陽西固析山賊來
輒破于三城之下孫權築濡須塢魏軍屢次不克守

將如甘寧等常以寡制衆蓋形勢之地攻守百倍豈
有昔人得之成功今日有之而反棄之耶且濡須集

湖之水上接店步下接江口可通漕舟乞擇將經理
存中議遂格

州志宋陳搏聞陳橋兵變宋太祖卽位於汴搏跨一
小驢歸華山大笑曰天下從此皆無事我向山中睡

得半今蒼山相傳有丹室遺址又云有希夷手植茶
樹數株色味異於凡品然今之所得者皆山僧自植

有無真屬莫得而辨之也

宋凌冲傳冲字子和蘇州吳縣人由進士熙寧六年
任夙負才名受知王安石嘗著鄉黨傳說二論安石

大奇之知舍山號爲循吏律已甚嚴毫毫不妄取秩滿
解其歸裝老獲有蓄一砵者冲視之曰非吾來時物

命還之薦章交上改宣德郎年五十五卒京師

元危大樸故居和州未幾自經死葬舍山東門外後
二百年已失所在會縣治河乃見夢於令曰我危素

此為試閱需要完整PDF請訪問：www.ertongbook.com

也明日將壞我宅惟公其仁之令識其衣冠儼然諾焉明日果掘及墓衣骨俱朽惟棺之前和赤漆如新旁有志銘不記姓名令乃具衣冠改葬之識其處楊敦厚傳敦厚福建晉江人明嘉靖三十五年任合山舊例春王元日幕廳桃符皆正堂頒給公任時一歲偶缺因自題其門云但願民間無菜色何須官舍有桃符迄今傳之

沈元昌傳元昌字泰來吳名下士也工文詞兼書畫萬曆年間客舍嘗居山寺有秋風詞云雲閣山頭雲滿山梧桐還落客思還秋風又到梧桐葉吳客依然客楚關今詛爲雲霧山非與邑諸生王圖南輩相友善嘗醉指桓榮墓曰十年後願與公結稽古社於地下時以爲狂後病篤求邑侯鄒公附葬於此因如所請葬於東門外斗岡其墓翁有故老能識之者而畫亦往往偶見云

王志旻即王敦弟永樂間居寶臺觀善符呪驅召神鬼人無有知者會天旱設壇祈禱密雲不雨者再四黃冠曰此必東南有破吾法者訪之得志旻於觀內竹林中方仰天以簪掃黃冠所布雲邑令因命分壇祈求志旻須臾致雨如注彼則霖霖溟溟而已

和州部雜錄

述異記今烏江長亭亭下有駐馬塘即當時烏江亭長艤舟待項羽處今陰陵故城九曲澤澤中有項王村即項籍迷失路處項王失路于澤中周回九曲後人因以爲澤名

西浮籍橫江渡與當塗牛渚磯相望此處風浪迅猛商帆多從夾中行故李白登昇元閣詩有人言橫江好我道橫江惡之語

欽定古今圖書集成方輿彙編職方典

第八百四十一卷目錄

滁州部彙考一

滁州建置沿革考

滁州疆域考 有圖 形勝附

滁州星野考

滁州山川考

滁州城池考

滁州關梁考

滁州封建考

滁州公署考

滁州學校考 書院附

滁州戶口考

滁州田賦考

滁州漕運考

滁州風俗考

職方典第八百四十一卷

滁州部彙考一

滁州建置沿革考

本州

通志

禹貢揚州之域春秋先屬鎮離屬吳楚之交戰國屬楚秦爲九江郡地漢初屬淮南等國後屬九江郡三國爲魏地晉屬淮南郡東晉於此僑立南譙郡宋因置南譙郡齊改新昌梁置北譙郡北魏因之北齊徙南譙州於新昌郡又改

北譙郡爲臨滁郡北周又改臨滁爲北譙郡隋初罷新昌郡改南譙爲滁州大業初州廢置清流滁水二縣隸江都府尋又改滁水爲全椒唐復置滁州析清流置永陽南唐改來安後入於周宋爲滁州元初爲路後復爲州屬揚州路明初併清流全椒來安三縣入州後爲直隸州復置全椒來安爲屬縣

皇清因之編戶一十二里隸江南省安徽布政使司領縣二

全椒縣

漢置全椒縣屬九江郡後漢省建陽入之屬如故三國魏因之晉屬淮南郡南北朝梁立北譙縣屬北譙郡北魏因之北齊屬臨滁郡北周屬北譙郡隋滁水大業初復爲全椒屬江都郡唐屬滁州五代宋元俱仍舊明初廢旋復爲縣屬滁州

皇清因之編戶十二里

來安縣

漢建陽縣屬九江郡東漢省入全椒南北朝齊頓丘屬新昌郡隋清流屬江都郡唐改永陽屬滁州五代南唐置來安縣屬滁州宋廢爲鎮復置縣屬滁州元因之明初廢旋復爲縣屬滁州皇清因之編戶八里

滁州疆域圖



滁州疆域考

州志

本州

東至六合縣舊義井鋪爲界七十里至六合縣共一百二十里西至定遠縣九里臺爲界七十里至定遠縣共一百五十里南至和州後河中流爲界至全椒縣五十里至和州共一百八十里北至盱眙縣王店爲界一百三十里至來安縣

四十里至盱眙縣共一百九十里

東南至江浦縣西葛城鋪爲界五十里至江浦縣一百里

東北至三山天長盱眙兩界爲界一百五十里至天長縣共一百八十里

西南至合肥縣廬山三畝口爲界一百八十里至廬州府二百八十里

西北至定遠縣大山嶺爲界七十里至鳳陽府共一百八十里

自州至省城一百二十里至京師二千二百五十里

東西廣一百四十里南北袤一百八十里全椒縣

州南五十里爲全椒東至本州界首二十里自界首至江寧府江浦縣七十里

西至廬州府沙河九十里自沙河至府一百五十里

南至和州後河三十里自後河至州七十里至省城陸路一百里水路三百里

北至本州清塘二十里至京師陸路二千二百里水路三千里

東南至和州及江浦縣俱一百里東北至本州仁義鋪二十五里

西南至含山縣再安七十里自再安至縣三十里

西北至鳳陽府定遠縣界牌九十里自界牌至縣五十里

東西廣一百一十里南北袤五十里

來安縣 州北三十里爲來安東至江寧府六合縣界橋三十五里

西至鳳陽府盱眙縣嘉山界五十里南至江寧府江浦縣三汊河界六十里

北至鳳陽府盱眙縣長店橋九十里東南至江寧府六合縣九十里

東北至鳳陽府天長縣二百二十里西南至本州四十里

西北至鳳陽府盱眙縣一百五十里自縣至省城一百二十里至

京師二千二百五十里東西廣八十五里南北袤一百五十里

形勝附 通志 本州

宋史清流馬鞍聯絡如柵地理志長江天塹

州志水口烏衣二鎮基置西北諸山繞之爲東南形勝之區

清流雄峙風號巖關全椒縣 清流灌北烏江蕩南廬鳳眇接滁和

車輔 來安縣 湖山控制爲邑巖險

滁州星野考

州縣志合載

州屬總

明一統志天文斗分野按天文家言云凡星一度有二十九百二十三里七十二步二尺四寸四分南斗之度凡二十有五今廬州府有金斗驛地以斗名滁相距僅三百餘里其躔斗無疑也

全椒縣志漢志吳地斗分野今之會稽九江丹陽豫章廬江黃陵六安臨淮郡盡吳分野晉志揚州九江入斗一度隋書揚州於禹貢爲淮海之地在天官自斗十二度至須女七度爲星紀於辰在丑吳越得其分野唐志揚楚滁和廬壽舒爲星紀分又南斗在雲漢下流當淮海間爲吳分明志吳分野斗牛在丑自斗三度至女一度野分丙位屬吳越分揚州

來安縣志來安屬滁在揚州之域二十八宿斗度星紀之次春秋元命苞云牽牛流爲揚五星主熒惑漢劉向云吳地斗分野越地牽牛婺女分野漢劉歆三統曆曰斗綱之端連貫營室織女之紀指牽牛之初以紀日月故曰星紀吳分揚州漢蔡邕月令章句曰揚州起斗六度魏太史令陳卓云自南斗十二度至須女七度爲星紀之次於辰在丑吳越之分野屬揚州唐僧一行云揚州越斗九度明清類天文分野書云揚楚滁和廬壽舒爲星紀斗分

滁州山川考 州志

本州

瑯琊山 在城南一十里舊志云晉元帝為瑯琊王避地於此元和十道志云晉武帝平吳瑯琊王仙出滁中孫皓送璽即此地也

豐山 在城西南五里十道志云滁州有豐亭山疑即此山漢沛豐人僑寓於此故以名山

龍蟠山 在州南一十三里

蔣山 在州南一里關城內沙河北土山無石高數丈舊志云昔蔣帝廟基俗傳為蔣山遇旱禱雨無不應

清流關山 在州西北二十五里舊志云南唐置關地尤險要

曲亭山 在州西六十里俗呼皇甫山

皇道山 在州東北一十七里

末陽嶺 在州北三里

常山 在州北二十里

栲栳山 在州南九里瑯琊山之東

盈福山 在州西北五十里

側菱山 在州西南三十里

馬鞍山 在州西南三十七里

石駝山 在州西北二十二里

孤山 在州西北二十里

野山 在州西七十里

小山 在州西六十里其山西屬定遠界

金山 在州西四十里

黃牛山 在州西四十里

障子山 在州西四十五里

牛頭山 在州西四十五里與障子山相近

石屋山 在州西四十八里牛頭山北

尖山 在州西二十三里

猪龍山 在州西二十五里

福山 在州西南十五里赤湖橋之南

大黃山 在州西南二十里尖山南

磨拖嶺 在州西南一十五里瑯琊山西

秦王拖鑿嶺 在州東北五里

踏助山 在州西北五十里

長嶺 在州西北三十五里

寺基山 在州西六十五里

四峰山 在州西十五里

花山 在州西南二十八里

戴母山 在州西五十三里一名大墓山

墓山 在州西四十七里

開荒莊山 在州西北四十里

石頭山 在州西北四十二里

豺狗山 在州西北五十二里

瑯琊洞 在州西十七里瑯琊山後舊志一名聖人洞按續志和州西梁山有孔穴從地道中通滁之瑯琊山口蜿蜒二百餘里即郡志所謂瑯琊洞者

歸雲洞 在瑯琊山清風亭西

熙陽洞 在瑯琊山南塔西深丈許

白鶴洞 在醉翁亭東百餘步

偃月洞 在龍蟠山法堂西

雙燕洞 在柏子坑西北頂上深四五丈

桃花洞 在州西南十七里栲栳峯下

秋山洞 在州西南一十五里磨拖嶺西

龍寶洞 在州西四十八里石室山西深十餘丈

普救洞 蜂洞 俱在州西南五里地名婆羅劫明崇禎丙子民避寇於此

清流河 在州東二里又稱北角河源出自清流沛上

滁河 在州東南六十里源出廬州舊棠縣入全椒縣界

沙河 在州西一里源出側菱山北過福山與尖山黃月嶺澗水合

白茅河 在州西北四十里源出清流沛下與瓦店河合

盈福河 在州西北四十里源出鳳陽府界石坂灘至蒲衝村與嘉山白道河合而為一謂之三汊河

瓦店河 在州西三十五里源出定遠縣界

南湖河 在州東南三十五里源出來安縣界

白樺河 在州東四十里源出南湖河東

瑯琊溪 在瑯琊山中

菱溪 在州東十里

明月溪 在瑯琊山開化寺內童行堂下流入瑯琊溪

玉溪 按裴僑玉溪述云郡城之西北三十里有寺曰開林寺之右隅有溪無名瀄伏波迴輝

彩交映羣玉於水之上故名之玉溪

西澗 俗號烏土河唐韋應物詩曰獨憐幽草

澗邊生上有黃鸝深樹鳴春潮帶雨晚來急野渡無人舟自橫即此地

白花衝澗 在州西五十五里

曲亭前澗 在州西六十里

落馬澗 在州西北三里源出永陽嶺

冷水澗 在州西南七里源出瑯琊山流入周公沛

公沛

梁村澗 在州西五十里源出定遠縣界

分水澗 在州南一里源出瑯琊山入同觀塘

桃花澗 在州南一十七里龍蟠山之趾源出

虎跑泉

西羊澗 在州南二十一里源出側菱乳

紅沙澗 在州北二十五里源出來安縣雙源

沛

石澗澗 在赤湖之北石生水底嵯峨突兀連

互數十丈水流其間濺紆洞復每春夏泛漲水

石相激澎湃有聲波瀾宛轉觀者忘倦爲州之

異景云

胡家莊澗 在州西四十里源出丁野壩

平湖澗 在州東十一里

洪溝 在州南一百五十步龍興寺西

新溝 在州東五十六里

鳳凰溝 在州北一十三里

赤湖 在州西十里

荻港 在州西北二十里

仙居澗 在州西北大山東南十里

柏子潭 在豐山西百餘步上有五龍池

紫微泉 在本州幽谷按呂元中記云慶曆七

年歐陽修謫守滁上明年得醴泉於醉翁亭東

南隅一日會僚屬於州廡以新茶獻者公敕

吏汲泉未至而汲者仆出水且慮後期遽酌他

泉以進公已知其非醴泉也窮問之乃得它泉

於幽谷山下文忠博學多識而又好奇既得是

泉乃作亭以臨泉上名之曰豐樂當時名公若

蔡君謨蘇子美梅聖俞皆賦詩以紀其事由是

泉名始盛開於天下元祐二年郡守陳知新復

營葺舊亭壘石爲池渚水亭下且以紫微名泉

雖天時常暘土木枯槁而其源不絕今亭已廢

六一泉 在本州醉翁亭側舊志以爲即醴泉

也歐陽修謂醴泉湧出兩峰間疑此非是

白龍泉 在瑯琊山開化寺佛殿側

陳公泉 在幽谷之南舊志云又名佛牙泉

呂公泉 在陳公泉之西舊志云又名新泉

金沙泉 在本州幽谷寺法堂後今涸

醴泉 在瑯琊山回馬嶺之東今涸

蒙泉 在瑯琊山磨地嶺下

觀音泉 在瑯琊山寺門外

虎跑泉 在本州龍蟠山圓會橋之西

珍珠泉 在州西三十里側菱山幽樓庵前遊

者拊掌則泉水濺射狀若跳珠庵久廢

全椒縣

神山 在縣西三十里

桑根山 在縣西北四十里梁時立南譙州治

於此

蘇山 在神山西南十里有廟

袁子山 在蘇山西南五里相傳袁術據淮南

僭號仲家曹操擊破之其子孫避地其中不可

考

銅井山 在袁子山西山有銅井廣袤數十丈

深亘測世傳於此採銅有魚出泉中色如金

孤山 在銅井山西十里地勢低平而此山獨

高名蓋因此

鎮山嶺 在孤山西屬合肥縣界

破山 在鎮山嶺前舊名龍山或言其形勢有

王氣遂鑿其山巔鎮以二塔因名

獨山 在破山西其山巔巖孤峙

府城岡 在縣西十里爲廬州府孔道故名

花山 一名古寺山距縣二十五里胡志云花

山縣西北微也北屬滁南屬本縣

廟山 在花山右

泉峰嶺 在廟山前

赤尾山 去廟山西北十五里

垂石山 近赤尾山有大石下垂

馬鞍山 在垂石山前俗傳昔有僊人遺鞍其

地

龍槍山 在馬鞍山前十里遇旱禱雨輒應上

有槍如龍形因名之

臥龍山 在槍龍山右形蜿蜒不斷

陡山 在臥龍山前有天同院有釣臺石

黑石岩 在陡山前

佛子岩 近黑石孔山

石樓岩 對佛子嶺後有雙石高峙如岑樓

焦山 在石樓岩右

車轂山 登科山 二山俱近焦山相傳其下孫氏嘗有登科者

菩薩山 在登科山西北二十里

火蓬山 近菩薩山

石臼山 在火蓬山左有路通定遠爲襄水源

祈雨山 在石臼山右上有古廟基邑人禱雨多應

卓望山 在火蓬山前一名蜀川嶺世傳其水西通巴蜀故名

五尖山 在火蓬山右三十里終縣界

福山 在黑石岩旁有寺

南岡山 在縣南二里

黑龍山 在縣西南二里

覆釜山 在縣治中形如覆釜故名縣城跨其上治倚之

武山 一名武子山在縣東北十里嶺上

焦林山 在武山北十五里

劍舞山 在焦林山北界滁洲

雲南岡 在縣東十里

九關山 一名陰陵山在縣南二十五里楚項羽兵敗東渡烏江途經此與漢兵一日九關故名

烏龍岡 在縣南一里

武家岡 在縣南十五里

打石岡 在縣東南五里

襄河 在縣城後源出石臼山之北

滁河 在縣南三十里源出廬州舊梁縣界至本縣石梁頭春秋水漲舟楫可達其境

鄒湖 在縣西北三十里源出三尖山

小湖 在縣南十里爲古蔡湖之支流故以小名在今蔡姥廟之後

蔡湖 在小湖前

叔伯湖 在縣西北十五里

赤脚湖 在縣西北六十里源出破山口

古湖灘 在縣西七十餘里

鵝欄湖 在縣南三十里黃花觀

府城湖 在縣西五里府城岡源出十五里陂

王萬承湖 在縣西南二十五里源出王家河

賀槽湖 在縣東二里源出縣北廬陂

白汙湖 在縣西二里源出義安山

龍塘湖 在縣西二十里

石潭湖 在縣西二十五里三淦河源出高塘

山

螺蚌湖 在縣西北二十里源出土山下入石

火蓬山湖 在縣西北七十里源出獨山

沙湖 在縣西北一百里源出火蓬山白汙湖

白楊湖 在縣西北一百里源出石臼山

多螺湖 在縣西北六十里源出堯塘花山

楸塘湖 在縣西北三十里黃花觀源出楸花

潭

石臼山潭 在縣北二十五里廟山南至冷水

潭

查湖 在縣北五十里源出花山西

草山潭 在縣北源出草山孔

黃師潭 在縣西南六十里入滁河

白石潭 在縣西北五里

東湖 在縣西南一里

水柵潭 在縣西南一里

中柵潭 在縣西北六十里

西柵潭 在縣西南一里

泉水潭 在縣西五十里源出龍山南

南石潭 在縣西五里府城岡又名朱村河源出舊梁縣

蘆陂潭 在縣西五十里源出破山

寨子潭 在縣西北九十里源出三尖山下

北石潭 在縣西北五里孤網壩

虎子潭 在縣東北三十五里俗傳劉平爲邑

長虎皆南渡因名源出黑石岩

社東潭 在縣西北二里金家溝源出查嶺西

南

查子潭 在縣北源出查嶺

華家潭 在縣西三百步寶林寺後

石梁潭 在縣北三十里

銅井 在縣銅井山

黑龍泉 在縣南一里

來安縣